



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

ახვლედიანი ვლადიმერ გრიგოლის ძე

ახვლედიანი ვლადიმერ გრიგოლის ძე (22. II. 1924, თბილისი, – 4. IV. 1996, იქვე).
ენათმეცნიერ-არაბისტი. ფილოლ. მეცნ. დოქტორი (1968), პროფესორი (1987).
დაამთავრა თსუ აღმოსავლეთმცოდნეობის ფაკ-ტი სემიტოლოგიის განხრით (1946).
გაიარა ასპირანტურა აკად. გ. წერეთლის ხელმძღვანელობით, იყო საქართვ. მეცნ.
აკადემიის ენათმეცნ. ინ-ტის სწავლული მდივანი (1950 – 60), აკად. გ. წერეთლის სახ.
აღმოსავლეთმცოდნეობის ინ-ტის დირექტორის მოდგილე სამეცნ. დარგში (1960 – 74).
1947-იდან მუშაობს თსუ აღმოსავლეთმცოდნეობის ფაკ-ტზე. ავტორია შრომებისა
არაბისტიკისა და სემიტური ენათმეცნ. სხვადასხვა დარგში; იკვლევს შუა აზიის არაბ.
დიალექტებს, რ-თა შესწავლას განსაკუთრებული მნიშვნელობა აქვს არაბ. ენის
სტრუქტურისა და ისტ. კვლევისათვის. აღსანიშნავია ა-ის მონოგრაფია ბუხარის არაბ.
დიალექტზე, რ-იც ამ დიალექტის ფონოლოგიური და მორფოლ.სტრუქტურის სისტემური
ანალიზის პირველი ცდაა. ა-ის კვლევით მუშაობაში დიდი ადგილი ეთმობა არაბ. გრამატ.
აზროვნების ისტორიას, რასაც არაერთი შრომა მიუძღვნა. ა. წარმატებით მუშაობს აგრეთვე
სემიტურ ენათა, პირველ რიგში არაბ. ენის ფონეტიკა-ფონოლოგიის პრობლემებზე
(პროტოსემიტური და პროტოარაბული ფონოლოგიური სისტემების რეკონსტრუქციის
საკითხები).

თხზ.: Фонетический трактат Авиценны, Тб., 1966; Арабское языкознание, კრ.:
Очерки лингвистических учений, т. 2, М.-Л., 1981; Бухарский арабский диалект
(Фонология и морфология), Тб., 1985.